

# Programi për Hulumtime dhe Publikime

---

---

## **5. Programi për Hulumtime dhe Publikime**

Akademia e Drejtësisë përveç organizimit të trajnimeve për gjyqtarë, prokuror, staf administrativ gjyqësor dhe prokurorial dhe profesionistëve tjerë, kryen edhe analiza, hulumtime dhe veprimtari botuese për nevojat e sistemit gjyqësor dhe prokurorial.

Gjatë vitit 2019, Programi për Hulumtime dhe Publikime do të fokusohet në komponentët e saj siç janë: analiza, hulumtime, publikime dhe ofrimi i qasjes në burimet ligjore përmes bibliotekës së Akademisë.

### **Qëllimi i PHP-së:**

Programi ka për qëllim zhvillimin e kapaciteteve të gjyqtarëve, prokurorëve si dhe stafit administrativ gjyqësor dhe prokurorial, përmes ofrimit të burimeve të nevojshme juridike si dhe zhvillimin e programeve trajnuese të AD-së përmes aktiviteteve hulumtuese.

### **5.1 Analiza dhe hulumtime**

Analizat dhe hulumtimet gjatë vitit 2019 do të jenë të përkushtuara në drejtim të zhvillimit të programeve trajnuese në përputhje me standardet euro integruese si dhe për nevojat e sistemit gjyqësor dhe prokurorial.

Në dobi të zhvillimit të programeve trajnuese do të realizohet:

- Procesi i vlerësimit të nevojave trajnuese përmes zbatimit efikas të mekanizmave të AD-së, analiza të programeve të vlerësimit të sesioneve trajnuese, pyetësorëve në gjykata dhe prokurori, që do të ketë në fokus, profilin, metodologjinë e trajnimit, përmbajtjen dhe çështjet tjera organizative;
- Analiza e strategjive, raporteve të ndryshme të institucioneve vendore dhe atyre ndërkombëtare që merren me monitorimin e sistemit të drejtësisë, lidhur me kapacitetet profesionale në gjyqësor;
- Hulumtime rreth problemeve praktike të cilat mund të adresohen qoftë përmes trajnimeve ashtu edhe përmes krijimit dhe zhvillimit të burimeve të ndryshme juridike;
- Hulumtime sipas nevojave të gjyqtarëve dhe prokurorëve të shtetit;

### **5.2 Veprimtaria botuese – publikimet**

Komponentë e rëndësishme e këtij programi është veprimtaria botuese e cila është e orientuar në publikime të ndryshme në fushën juridike, me theks në punën e gjyqësorit, për të kontribuar në zhvillimin profesional të gjyqtarëve, prokurorëve të shtetit, stafit administrativ të gjykatave dhe prokurorive si dhe profesionistëve tjerë ligjor.

Në publikimet e Akademisë do të angazhohen ekspertë të fushave të ndryshme të së drejtës për të dhënë ekspertizën e tyre qoftë në revista, module trajnuese dhe materiale tjera ligjore përmes të cilave do të ndikohet në pasurimin e kulturës juridike me njohuri praktike dhe teorike.

## PROGRAMI I TRAJNIMEVE 2019

Publikimet e Akademisë synojnë që të jenë burim informimi veçanërisht me praktikën gjyqësore dhe risitë në legjislacion dhe në përgjithësi në lëmin e drejtësisë si dhe informues për aktivitetet trajnuese të Akademisë.

Akademia e Drejtësisë gjatë vitit 2019 do të realizoj publikimin e revistës “Opinio Juris” e cila do të vazhdojë të nxisë komunitetin ligjor në publikimin e rezultateve hulumtuese, veçanërisht të gjyqtarëve dhe prokurorëve të shtetit, revistën “Justicia” e cila përmbledhë punimet e gjyqtarëve dhe prokurorëve të sapoemëruar të cilët vijojnë trajnimet në Programin e Trajnimit Fillestar si dhe module të ndryshme të trajnimit fillestar, trajnimeve të vazhdueshme, trajnimeve për stafin administrativ të gjykatave dhe prokurorive, programe pune si raporte tjera informative.

Akademia e Drejtësisë do të realizoj edhe publikimin e një Udhëzuesi për zbatimin e ndryshimeve të Kodit Penal dhe të Kodit të Procedurës Penale të Republikës së Kosovës me qëllim të lehtësimit të zbatimit të dispozitave ligjore të ndryshuara.

Përveç këtyre, do të publikohet edhe “Praktika e Gjykatës së Apelit fokusuar në çështjet e kthjera në rishqyrtim”, si dhe publikime tjera të kësaj natyre bazuar në kërkesat dhe nevojat e gjyqësorit.

### **5.3 Biblioteka**

Sigurimi dhe ofrimi i burime ligjore për gjyqtarët, prokurorët e shtetit dhe profesionistët e tjerë ligjor do të bëhet përmes aktiviteteve të bibliotekës e cila edhe gjatë vitit 2019 do të vazhdojë me pasurimin dhe menaxhimin e koleksioneve të saj.

Në kuadrin e aktiviteteve të bibliotekës do të vazhdohet me:

- Katalogimin dhe klasifikimin e materialeve të reja ligjore;
- Skanimin e librave fizik dhe publikimi i tyre në bibliotekën elektronike për të dhënë informacion më të detajuar për përmbajtjen e tyre;
- Ofrimit të qasjes në disa data baza të ndryshme ligjore deri në korrik 2018, si dhe me vazhdimin e anëtarësimit në Asociacionin e Bibliotekave Elektronike;
- Ofrimin e materialeve të reja ligjore për përfituesit e Akademisë;

